

EAST ASIAN LIBRARY  
RM 8049 ROBARTS LIBRARY  
UNIVERSITY OF TORONTO  
TORONTO, CANADA M5S 1A5

漢魏六朝百三家集

晉

郭宏農

第四十二冊

v. 42







# 陳氏曲集

神倦傳言郭河東君何江稱之皆本

殺也景純才學員全重明

東元余謂其抗節王敦贊其成大



郭弘農集



郭弘農集題辭

神僊傳言郭河東得兵解之道今爲  
水僊伯其然與否吾不敢知亦足見  
烈士殉義雖死可生亂臣賊子不能  
殺也景純才學見重明帝埒於溫嶠  
庾亮余謂其抗節王敦贊成大事匡



國之志嶠可庶幾亮安敢班哉雙栢  
鵲巢越城伍伯絕命之期先知之矣  
猶然解髮銜刀祈祥幽穢非苟求活  
欲觀須臾得一當以報國家耳陳迹  
蚤亡呼之爲福景純亦縱酒色自滅  
精神李陵惜死若所耻也負豫讓之



忠蹈稽生之禍豈非天乎阮嗣宗厭  
苦司馬以狂自晦彼亦無可如何不  
得已而逃爲酒人景純則非無術以  
處敦者也令桓彝不窺裸袒生命不  
盡日中勤王之師義當先驅其取敦  
也猶廬江主人家婢爾南岡斷頭遺



文彌烈今讀其集直臣諫諍神靈博  
物無不有也如斯人而不謂之仙乎  
不可得已

婁東張溥題



晉郭弘農集目錄

卷一

賦

南郊賦

江賦

巫咸山賦

登百尺樓賦

鹽池賦

井賦



流寓賦

蜜蜂賦

又

蚍蜉賦

疏

省刑疏

日有黑氣疏

皇孫生請布澤疏

平刑疏



禁菸疏

表

辭尚書表

序

山海經序

爾雅序

方言序

設難



客傲

哀策文

晉元帝哀策文

卷二

讚

山海經圖

桂

迷穀

狴狴



水玉

白猿

鹿蜀

鯨

類

獬廌

祝茶草旋龜鴈鵠魚

灌灌鳥赤鱗

鵠鳥



猾褻

長右彘

會稽山

患

獫狁

犀

兕

象

纂雕瞿如鳥虎蛟

鳳



育隧谷

鱒魚鰓鳥

白磬

以上南山

臧羊

太華山

肥遺蛇

鵠渠赤鷺鳥文莖木鴟鳥

流赭

豪彘



黃蘗草肥遺鳥囂獸

橐蜚

桃枝

杜衡

膏容草邊谿獸櫟鳥

礪石

猓如

鸚鵡

數斯鳥犖獸鷗鳥



鸞鳥

鳧溪鳥朱厭獸

蠻蠻

丹木玉膏

瑾瑜玉

鍾山之子鼓欽鴉

魃魚

神英招

槲木



崑崙丘

神陸吾

土螻獸欽原鳥

沙棠

鵲鳥沙棠實薺草

神長乘

西王母

積石

白帝少昊



猙

畢方

文貝

天狗

三青鳥

江疑獬狔獸鸛鳥

神耆童

帝江

獬狔鸛鳥



當扈

白狼

白虎

駮

神蜺蠻蠻髯遺魚

懷木

烏鼠同穴山

鰲魮魚

丹木



窮奇獸羸魚孰湖獸

鱖魚  
以上西山

水馬

儵魚

臙䟽獸鵠鵠鳥何羅魚

孟槐

鰕鰕魚

橐駝

耳鼠



幽鷄

寓鳥孟極足些獸

鷄鳥

諸健獸白鶴竦斯鳥

磁石

旄牛

長蛇

山獬

寔寔諸懷獸鰾魚肥遺蛇



鯨魚

狛鴟

狛間驛馬獨俗

驚鷗

居豎獸囂鳥三桑

驪獸

天馬

鷗居

飛鼠



鸛鸛象蛇鮐父魚

酸與

鵠鵠黃鳥

精衛

辣辣羆九獸大蛇

以上北山

鰠鰠魚從從獸蜚鼠

倭蠕

猗猗

堪孖魚軫軫獸



珠蟹魚

狔狔

狸力獸鴛胡鳥

朱孺

獬獬蠶蜥獸絜鉤鳥

嵒嵒

蟪龜

玃胡精精獸鮓鮓魚

猓狙獸貶雀



芭木

茈魚薄魚

合窠

當康獸鰓魚

蜚以上東山

桃林

鳴石

旋龜人魚修辟

帝臺棋



若華烏酸草

蓄草

山膏獸黃棘

三足龜

嘉榮

天樞牛傷文獸騰魚

帝休

泰室

栢木



蔞草

鵲鳥

鳴蛇化蛇

赤銅

神熏池

神武羅

鸛鳥

荀草

馬腹獸飛魚



神泰逢

薊栢

橘櫟

蕓

鮫魚

鳩鳥

椒

神蠱圍計蒙涉蠱

岷山



夔牛

崆山

狔狼雍和猴獸

雌

熊穴

跂踵

蛟

神耕父

九鐘



嬰勺

獐

帝臺漿

狙如

帝女桑

梁渠侈卽聞獐獸馭餘鳥

神干兒

神二女

飛蛇  
以上中山



自此山來蟲爲蛇蛇號爲魚

羽民國

神人二八

謹頭國

厭火國

三珠樹

載國

貫胸交脛支舌國

不死國



鑿齒國

三首國

焦僥國

長臂國

狄山帝堯葬於陽帝嚳塋于陰

視肉

南方祝融 以上海外南經圖

夏后啓

三身國一臂國



奇肱國

形夭

女祭女戚

鴛鳥鵲鳥

丈夫國

女丑口

巫咸

并封

女子國



軒轅國

乘黃

滅蒙鳥大運山雄常樹

龍魚

西方蓐收  
以上海外西經圖

無啓國

燭龍

一目國

柔利國



共工臣相柳

深目國

聶耳國

夸父

尋木

跂踵國

歐絲野

無腸國

平邱



駟駟

北方禺彊 以上海外北經圖

君子國

天吳

九尾狐

豎亥

十日

毛民國

黑齒國兩師妾立股國勞民國



東方勾芒

以上海外東經圖

梟陽

狴狴

夏后啓臣孟涂

建木

氏人

巴蛇

以上海內南經圖

貳負臣危

流黃艷氏國



大澤方百里

流沙

木禾

開明

文玉玕琪樹

不死樹

甘水聖木

窵窵

服常琅玕樹

以上海內西經圖



吉良

蛇巫山鬼神蚰大群帝臺大蜂朱蛾

闌非據比尸祿戎

騶虞

冰夷

王子夜尸

宵明燭光

列姑射山大蟹陵魚

蓬萊山

以上海內北經圖



郁州

韓雁始鳩雷澤神瑯瑤臺

豎沙居繇埽端璽喚國

大江北江南江浙江廬淮湘漢濛溫潁

汝涇渭白沅顓泗鬱肄潢洛汾沁濟潦

虢沱漳水

以上海內東經圖

封豕

鼯鼠

弱水



都廣之野

猩猩

若木

翡翠

欵冬

鬼草

蟒蛇

枳首蛇

鰈魚



飛魚

焦堯  
以上補遺

釋天地圖

星圖

炎山

筆

龜

蚌

蟬



螢火

茅苕

杜若

芙蓉

麻

珪

尺蠖

菊

萍



卷施

螳蜋

麟

比肩獸

鼎

金銀

柚

梧桐

燕



馬

貌

鼯鼠

鼯鼠

鼯鼠

記

遷州記

詩

贈溫嶠



遊仙詩  
十四首

贈潘尼

春

夏

別

題墓詩

附錄

本傳



郭弘農集目錄終



郭弘農集卷之一

晉河東郭璞著

明太倉張溥閱

賦

南郊賦

於是時惟青陽日在方旭我后將受命靈壇乃  
改步而鳴玉升金軒撫太僕揚六轡齊八駟列  
五幡於一元兮靡日月乎黃屋矯陵烏以偵候  
兮整豹尾於後屬武騎仡以清道被練煥以波



燭爾乃造曠場戾壇庭百寮山立萬乘雲縈延  
祝史肆玉牲登圓邱揖太清禮羣望告皇靈天  
澄其氣日朗其精飛廉鼓舞於八維兮豐隆擊  
節於九冥祝融穆以肅侍兮陽侯澹以中停於  
是司烜戒燧火烈具炳宗皇祖而配祀增孝思  
之惟永郊寰之內區域之外雕題卉服被髮左  
蒂駿奔在壇不期而會峩峩羣辟蚩蚩黎庶翹  
懷聖猷思我王度事崇其簡服尚其素化無不  
融萬物自鼓振西北之絕維隆東南之撓枉廓



清紫衢電掃神宇風馬桂林抗旌琳園五岳不  
足以題其勲九韶不足以贊其舞饗駭鬼方聲  
振邱隴倒景望風龍漢企踵爛若列星之環辰  
咸雲騰而海涌此蓋和氣旁通玄羅潛總自然  
之感鼓而遂動

江賦

浴五才之並用實水德之靈長惟岷山之導江  
初發源乎濫觴聿經始於洛沔攬萬川乎巴梁  
衝巫峽以迅激躋江津而起漲極泓量而海運



狀滔天以淼茫、總括漢泗、兼包淮湘、并吞沅澧、  
汲引沮漳、源二分於岨峽、流九派乎潯陽、鼓洪  
濤於赤岸、綸餘波乎柴桑、網絡羣流、商摧涓澮、  
表神委於江都、混流宗而東會、注五湖以漫漭、  
灌三江而澎湃、滂汗六州之域、經營炎景之外、  
所以作限於華夷、壯天地之嶮介、呼吸萬里、吐  
納靈潮、自然往復、或夕或朝、激逸勢以前驅、乃  
鼓怒而作濤、峨嵒爲泉陽之揭、玉壘作東別之  
標、衡霍磊落以連鎮、巫廬嵬嵬而比嶠、協靈通



氣潰薄相陶流風蒸雷騰虹揚霄出信陽而長  
邁淙大壑與沃焦若乃巴東之峽夏后䟽鑿絕  
岸萬丈壁立赧駮虎牙嶸豎以屹峇荆門闕竦  
而槃礴圓淵九迴以懸騰溢流雷响而電激駭  
浪暴灑驚波飛薄迅復增澆湧湍疊躍砢巖鼓  
作崩濤滂潏渠渙灑灑潰濩洑洑湑湑湑  
湑湑湑湑湑湑湑湑湑湑湑湑湑湑湑湑湑湑湑湑  
絡碧沙遺施而往來巨石碑砢以前却潛演之  
所汨汨奔溜之所磔錯厓隤爲之泐崿碕嶺爲



之崑崙幽澗積岨礪礪確若乃曾潭之府靈  
湖之淵澄澹汪洸瀆混困泣泓泫澗潏潏鄰圖  
潏混瀚灝渙流映揚煇溟潏渺汙汙汙汙察  
之無象尋之無邊氣滂淖以霧杳時鬱律其如  
煙類胚渾之未凝象太極之構天長波浹漑峻  
湍崔嵬盤渦谷轉凌濤山頽陽侯碣礧以岸起  
淇瀾澌演而雲迴沍淪波瀾乍沍乍堆礧如地  
裂豁若天開觸曲厓以縈繞駭崩浪而相礧鼓  
唇窟以瀟淖乃湓湧而駕隈魚則江豚海狶叔



鮪王鱣、鰩鯨、鰐鰓、鰈魴、鰱鰻、或鹿、駝、象鼻、或虎  
狀龍顏、鱗甲錐錯、煥爛錦斑、揚鬚掉尾、噴浪飛  
颺、排流呼哈、隨波遊延、或爆采以晃淵、或嚇鰓  
乎巖間、介鯨乘濤以出八、鰲魃順時而往還、爾  
其水物怪錯、則有潛鵠魚牛、虎蛟鉤地、螭蜃蟹  
蝟、蠃蠶、鼉鼉、玉玼海月、土肉石華、三螽、蚌江、鸚  
螺、蛇、蝸、璫、蛄、腹蟹、水母目蝦、紫虬如渠、淇蚶專  
車、瓊蚌晞曜、以瑩珠石、蛙應節而揚葩、蝼蛄森  
衰以垂翹、玄螭硯礫而硯礫、或泛歛於潮波、或



混淪乎泥沙、若乃龍鯉一角、奇鶴九頭、有鼈三  
足、有龜六眸、頰螫肺躍而吐璣、文魼磬鳴以孕  
璆、脩螭拂翼而掣耀、神蜈蝓螭以沈遊、駢馬騰  
波以噓蹠、水兕雷咆乎陽侯、淵客築室於巖底、  
鮫人構館於懸流、電布餘糧、星離沙鏡、青綸競  
糾、縹組爭映、紫菜熒曄以叢被、綠苔鬚髻乎研  
上、石帆蒙龍以葢嶼、萍實時出而漂泳、其下則  
有金礦、丹礫、雲精、燭銀、瑒瑯、璿瑰、水碧、潛昏、鳴  
石、列於陽渚、浮磬肆乎陰濱、或頰彩輕漣、或頰



曜涯鄰林無不溥岸無不津其羽族也則有晨  
鵠天鷄鴈鷺鷥陽鳥爰翔于以立月千類萬  
聲自相喧聒濯翮疏風鼓翅翮翮揮弄灑珠拊  
拂瀑冰集若霞布散如雲豁產毳積羽往來勃  
碣憐杞稷薄於潯浹協槲森嶺而羅峯桃枝簣  
簣實繁有叢葭蒲雲蔓櫻以蘭紅揚皜眊擢紫  
茸蔭潭隩被長江繁蔚芳薜隱藹水松涯灌芊  
蕞潛薈葱蘢鯨鯨踦踞於垠隤獮獺睽矚乎廕  
空迅蜚臨虛以騁巧孤攫登危而雍容夔犝翹



踴於夕陽，鴛雛弄翮乎山東。因岐成渚，觸澗開渠。漱壑生浦，區別作湖。磴之以瀦，澦之以尾。閭標之以翠翳，泛之以遊菰。播匪莠之芒種，挺自然之嘉蔬。鱗被菱荷，攢布水蕨。翹莖漢蘗，濯頽散裏。隨風猗萎，與波潭沲。流光潛映，景炎霞火。其旁則有雲夢雷池，彭蠡青草。具區洮滈，朱澹丹淖。極望數百，沆瀣晶淙。爰有包山洞庭，巴陵地道。潛達旁通，幽岫窈窕。金精玉英，瑱其裏。瑤珠怪石，綷其表。驪蚪繆其址，梢雲冠其嶢。海



童之所巡遊，琴高之所靈，矯冰夷倚浪以傲睨，  
江妃含嚔而睚眦，撫凌波而鳬躍，吸翠霞而天  
矯，若乃宇宙澄寂，八風不翔，舟子於是搦棹涉  
人，於是儀榜，漂飛雲，運餘艖，舳舻相屬，萬里連  
檣，泝洄沿流，或漁或商，赴交益，投幽浪，竭南極，  
窮東荒，爾乃赭霧裊於清旭，蜺五兩之動靜，長  
風颭以增扇，廣莫颭而氣整，徐而不颭，疾而不  
猛，鼓帆迅越，超漲截洄，凌波縱拖，電往杳溟，霽  
如晨霞，孤征眇若雲翼，絕嶺倏忽數百千里，俄



頃飛廉無以睎其蹤，渠黃不能企其景。於是蘆  
人漁子，擯落江山；衣則羽褐，食惟蔬鱸。棹澱爲  
泔，夾漈羅筌；簞灑連鋒，罾罾比船。或揮輪於懸  
碕，或中瀨而橫旋。忽忘夕而宵歸，詠採菱以叩  
舷。傲自足於一嘔，尋風波以窮年。爾乃域之以  
盤巖，豁之以洞壑；疏之以洳汜，鼓之以潮汐。川  
流之所歸，奏雲霧之所蒸；液珍怪之所化，產傀  
奇之所窟。宅納隱淪之列，真挺異人乎精魄。播  
靈潤於千里，越岱宗之觸石。及其譎變，儵恍符



祥非一、動應無方、感事而出、經紀天地、錯綜人  
術、妙不可盡之於言、事不可窮之於筆、若乃岷  
精垂曜於東井、陽侯遯形乎大波、奇相得道而  
宅神、乃協靈爽於湘娥、駭黃龍之負舟、識伯禹  
之仰嗟、壯荆飛之擒蛟、終成氣乎太阿、悍要離  
之圖慶、在中流而推戈、悲靈均之任石、歎漁父  
之權歌、想周穆之濟師、驅八駿於鼇鼉、感交甫  
之喪珮、慙神使之嬰羅、煥大塊之流形、混萬盡  
於一科、保不虧而永固、稟元氣於靈和、考川瀆



之妙觀實莫著於江河

巫咸山賦

有序

蓋巫咸者寔以鴻術爲帝堯醫、生爲上公、死爲貴神、豈封斯山而因以名之乎、

伊巫咸之名山、崛孤停而嶸峙、體岑峭以隆頽、冠崇嶺以峻起、配華霍以助鎮、致靈潤乎百里、爾乃寒泉懸涌、浚湍流帶、林薄叢籠、幽蔚隱藹、八風之所歸起、遊鳥之所喧會、潛瑕石、揚蘭茝、迴翔鵠、集凌鷁、鷦鷯禽鳥、栖陽以晨鳴、熊虎窟



陰而夕暎

登百尺樓賦

在青陽之季月，登百尺以高觀。嘉斯遊之可娛，  
乃老氏之所嘆。撫凌檻以遙想，乃目極而肆運。  
情眇然以思遠，悵自失而潛愠。瞻禹臺之隆嵒，  
奇巫咸之孤峙。美鹽池之滉汙，蒸紫雰而霞起。  
異傳巖之幽人，神介山之伯子。揖首陽之二老，  
招鬼谷之隱士。嗟王室之蠢蠢，方構怨而極武。  
哀神器之遷浪，指綴旒以譬主。雄戟列於廊板，



戎馬鳴乎講柱、寤茗華而增恠、歎飛駟之過戶、  
陟茲樓以曠眺、情慨爾而懷古、

鹽池賦

水潤下以作鹹、莫斯鹽之最靈、傍峻岳以發源、  
池茫爾而海溟、嗟玄液之潛洞、羌莫知其所生、  
狀委蛇其若漢、流漫漫以潏潏、吁鑿鑿以粲粲、  
色皜然而雪朗、揚赤波之煥爛、光盱盱以晃晃、  
隆陽映而不焦、洪涔沃而不長、磊崔嶭確、鐐剡  
碁方、玉潤膏津、雪白凌岡、粲如散璽、煥若布璋、



爛然漢明、晃爾霞赤、望之絳承、卽之雪積、翠塗  
內映、頰液外羃、動而愈生、損而滋益、若乃煎海  
鑠泉、或凍或漉、所瞻不過一鄉、所營不過鍾斛、  
飴戎見珍於西鄰、火井擅奇乎巴濮、豈若茲池  
之所產、帶神邑之名、嶽吸靈潤於河汾、總膏液  
乎滄凍、

井賦

益作井、龍登天、鑿后土、洞黃泉、潛源洊臻、滴瀝  
涓涓、幽溟圓渟、澗洞深立、爾乃冠玉檻、甃鱗錯、



鼓輶輻揮勁索飛輕裾之繽紛手爭驚而互擲  
長縲委地以曾縈今瑤甕龍騰而灑激乃回澄  
以靜映狀罔然而鏡灼挹之不損停之不溢莫  
察其源動而愈出信潤下而德施壯邑移以不  
改獨星陳於邱墟今越百代而猶在守虛靜以  
立澹兮不東流而注海氣霧集以杳冥兮聲雷  
駭而澎湃

流寓賦

戒雞晨而星發至猗氏而方曉觀屋落之隳殘



顧、但、見、乎、上、棗、嗟、城、池、之、不、固、何、人、物、之、希、少、  
越、南、山、之、高、嶺、修、焦、邱、之、微、路、駭、斯、徑、之、峻、絕、  
感、王、陽、而、增、懼、詰、朝、發、於、解、池、辰、中、暨、乎、河、北、  
思、此、縣、之、舊、名、蓋、曩、日、之、魏、國、詠、詩、人、之、流、歌、  
信、風、土、之、儉、刻、背、茲、邑、之、迥、逝、何、險、難、之、多、厯、  
望、陝、城、於、南、涯、存、虢、氏、之、疆、場、實、我、姓、之、攸、出、  
邈、有、懷、乎、乃、迹、陟、函、谷、之、高、關、壯、斯、勢、之、險、固、  
過、王、成、之、邱、壙、想、穀、洛、之、合、鬬、惡、王、靈、之、壅、流、  
奇、子、喬、之、輕、舉、遊、華、輦、而、永、懷、乃、凭、軾、以、寓、目、



思、文、公、之、所、營、蓋、成、周、之、墟、域、

蜜蜂賦

嗟品物之蠢蠢，惟貞蟲之明族。有叢瑣之細蜂，亦策名於羽屬。近浮遊於園薈，遠翱翔乎林谷。爰翔爰集，蓬轉飈迴。紛紜雪亂，混池雲頽。景翳耀靈，響迅風雷。爾乃眩媛之雀下林，天井青松冠谷。赤蘿繡嶺，無花不纏。無陳不省，吮瓊液於懸峰。吸赧津乎晨景。於是迴驚林篁，經營堂窟。繁布金房，疊構玉室。咀嚼華滋，釀以爲密。自然



靈化莫識其術散似甘露凝如割肪冰鮮玉潤  
髓滑蘭香百藥須之以諧飴扁鵲得之而術良  
爾乃察其所安視其所託恒據中而虞難營翠  
微而結落微號明於羽族閭衛固乎管籥誅戮  
峻於鈇鉞招徵速乎羽檄集不謀而同期動不  
安而齊約

又

窮味之美極甜之長百果須以諧和靈娥御以  
艷顏



蚍蜉賦

惟洪陶之萬殊，賦羣形而遍灑。物莫微於昆蟲，屬莫賤乎螻蟻。淫淫奕奕，交錯往來。行無遺迹，驚不動埃。迅雷震而不駭，激風發而不動。虎賁比而不懾，龍劍揮而不恐。乃吞舟而是制，無小大與輕重。因無心以致力，果有象乎大勇。出奇膠於九真，流頽液其如血。飾人士之喪具，在四隅而交結。濟齊國之窮師，由山東之高堙。感萌陽以潛出，將知水而封穴。伊斯蟲之愚昧，乃先



識而似慙



郭弘農集

卷之一

三



疏

省刑疏

臣聞春秋之義貴元慎始。故分至啓閉。以觀雲物。所以顯天人之統。存休咎之徵。臣不揆淺見。輒依歲首粗有所占。卦得解之既濟。按爻論思。方涉春木王龍德之時。而爲廢水之氣來見。乘加升陽未布。隆陰仍積。坎爲法象。刑獄所麗。變坎加離。厥象不燭。以義推之。皆爲刑獄殷繁。理者有壅滯。又去年十二月二十九日太白蝕月。



月者屬坎羣陰之府所以照察幽情以佐太陽  
精者也。太白金行之星而來犯之天意若曰刑  
理失中。自壞其所以爲法者也。臣術學庸近不  
練內事。卦理所及敢不盡言。又去秋以來沉雨  
跨年雖無金家涉火之祥。然亦是刑獄克溢怨  
歎之氣所致。往建興四年十二月中行丞相令  
史淳于伯刑於市而血逆流長標伯者小人雖  
罪在未允何足感動靈變致若斯之。惟邪明皇  
天所以保佑金家子愛陛下屢見災異殷勤無



已陛下宜側身思懼以應靈譴皇極之譴事不  
虛降不然恐將來必有愆陽苦雨之災崩震薄  
蝕之變狂狡蠱戾之妖以益陛下旰食之勞也  
臣謹尋按舊經尚書有五事供禦之術京房易  
傳有消復之救所以緣咎而致慶因異而邁政  
故木不生庭太戊無以隆雉不鳴鼎武丁不爲  
宗夫寅畏者所以饗福怠傲者所以招患此自  
然之符應不可不察也按解卦繇云君子以赦  
過宥罪旣濟云思患而豫防之臣愚以爲宜發



哀矜之詔引在予之責蕩除瑕釁贊陽布惠使  
幽斃之人應蒼生以悅育否滯之氣隨谷風而  
紓散此亦寄時事以制用藉開塞而曲成者也  
臣竊觀陛下貞明仁恕體之自然天假其祥奄  
有區夏啓重光於已昧廓四祖之遐武祥靈表  
瑞人鬼獻謀應天順時殆不尚此然陛下卽位  
以來中興之化未闡雖躬綜萬機勞逾日昃立  
澤未加於羣生聲教未被乎宇宙臣主未甯於  
上黔細未輯於下鴻鴈之詠不興康衢之歌不



作者何也。杖道之情未著。而任刑之風先彰。經國之畧未震。而軌物之迹屢遷。夫法令不一。則人情感。職次數改。則覬覦生。官方不審。則牾政作。懲勸不明。則善惡渾。此有國者之所慎也。臣竊爲陛下惜之。夫以區區之曹參。猶能遵蓋公之一言。倚清靖以鎮俗。寄市獄以容非。德音不忘。流詠于今。漢之中宗。聰悟獨斷。可謂令主。然厲意刑名。用虧純德。老子以禮爲忠信之薄。况刑又是禮之糟粕者乎。夫無爲而爲之。不宰以



宰之固陛下之所體者也。耻其君不爲堯舜者，亦豈惟古人，是以敢肆狂瞽，不隱其懷。若臣言可採，或所以爲塵露之益，若不足採，所以廣聽納之門。願陛下少留神鑒，賜察臣言。

日有黑氣疏

臣以頑昧，近者冒陳所見。陛下不遺狂言，事蒙御省，伏讀聖詔，歡懼交戰。臣前云：升陽未布，隆陰仍積，坎爲法象，刑獄所麗，變坎加離，厥象不燭，疑將來必有薄蝕之變也。此月四日日出山



六七丈、精光潛暗、而色都赤、中有異物、大如雞  
子、又有青黑之氣、共相搏擊、良久方解、按時在  
歲首純陽之日、月在癸亥全陰之位、而有此異、  
殆元首供禦之義不顯、消復之理不著之所致  
也、計去微臣所陳、未及一月、而便有此變、益明  
皇天留情陛下、懇懇之至也、往年歲末太白蝕  
月、今在歲始日有咎、謫會未數旬、大眚再見、日  
月告爨、見懼詩人、無曰天高、其鑒不遠、故宋景  
言善、熒惑退次、光武甯亂、噓沍結冰、此明天人



之懸符、有若形影之相應、應之以德、則休祥臻、  
酬之以怠、則咎徵作、陛下宜恭承靈譴、敬天之  
怒、施沛然之恩、諧立同之化、上所以允塞天意、  
下所以弭息羣謗、臣聞人之多幸、國之不幸、赦  
不宜數、實如聖旨、臣愚以爲子產知鑄刑書、非  
政事之善、然不得不作者、須以救弊故也、今之  
宜赦、理亦如之、隨時之宜、亦聖人所善者、此國  
家大信之要、誠非微臣所得干豫、今聖朝明哲  
思弘謀猷、方闢四門以亮采、訪輿誦於羣小、微



臣蒙珥筆朝末而可不竭誠盡規哉

皇孫生請布澤疏

有道之君未嘗不以危自持亂世之主未嘗不以安自居故存而不忘亡者三代之所以興也亡而自以爲存者三季之所以廢也是以古之令主開納忠讜以弼其違標顯功直用攻其失至乃聞一善則拜見規誡則懼何者蓋不私其身處天下以至公也臣竊惟陛下符運至著勲業至大而中興之祚不隆聖敬之風未躋者殆



由法令太明、刑教太峻、故水至清則無魚、政至  
察則衆乖、此自然之勢也、臣去春啓事、以圉圉  
克斥、陰陽不和、推之卦理、宜因郊祀作赦、以蕩  
滌瑕穢、不然、將來必有愆陽苦雨之災、崩震薄  
蝕之變、狂狡蠹戾之妖、其後月餘、日果薄鬪、去  
秋以來、諸郡並有暴雨、水皆洪濤、歲用無年、適  
聞吳興復欲有構妄者、咎徵漸成、臣甚惡之、頃  
者以來、役賦轉重、獄犴日結、百姓困擾、甘亂者  
多、小人愚嶮、共相扇惑、雖勢無所至、然不可不



慮按洪範傳君道虧則日蝕、人愆怨則水涌、溢、陰氣積則下代上、此微理潛應已著、實於事者也、假令臣遂不幸謬中、必貽陛下側席之憂、今皇孫載育、天固靈基、黔首顙顙、實望惠潤、又歲涉午位、金家所忌、宜於此時崇恩布澤、則火氣潛消、災譴不生矣、陛下上籌天意、下順物情、可因皇孫之慶、大赦天下、然後明罰勅法、以肅理官、克厭天心、慰塞人事、兆庶幸甚、禎祥必臻矣、臣今所陳、蹙而省之、或未允聖旨、久而尋之、終



亮臣誠若所啓上合願陛下勿以臣身廢臣之言臣言無隱而陛下納之適所以顯君明臣直之義耳

平刑疏

臣聞上古象刑而民不犯中古明刑以致刑措故立刑以禁刑立殺以去殺重之以死所以求其生峻之以刑所以輕其死死由於法輕生存乎法重此立防之成標也然則刑無輕重用之唯平非平法之爲難思在斷之爲難是以子臯



行戮。別者忘痛釋之典刑。民無怨色。何者積之於誠也。按癸酉詔書之旨。專爲邊城實之裔土。濟當時一切之用。非爲經遠之法。亦是中夏全平之時。威御足指控制。故可得行之矣。欲役無賴子弟。驅不逞之人。聚之於空荒四維之地。將以扞固牧圉。未見其利也。且濱接鯨猾。密邇姦藪。退未絕其邱窟之顧。進無以塞其逋逃之門。五流三居。誠古之犯刑。論之於今。事實難行。且律令以跨三代。厯載所遵。未易輕改者也。是以



刑。法。不。專。則。名。幸。者。興。政。令。驟。變。則。人。志。無。繫。  
子。產。患。其。如。此。故。矯。先。正。議。事。之。制。而。立。刑。書。  
之。辟。皆。所。以。弭。民。心。而。正。羣。惑。者。也。

請出任谷疏

任谷所爲妖異、無有因由、陛下立鑒廣覽、欲知其情狀、引之禁內、供給安處、臣聞爲國以禮、正不聞以奇邪、所聽惟人、故神降之吉、陛下簡默居正、動遵典刑、按周禮奇服怪人不入宮、况谷妖詭怪人之甚者、而登講肆之堂、密邇殿省之



側塵點日月、穢亂天聽、臣之私情、竊所以不取也。陛下若以谷信爲神靈所憑者、則應敬而遠之。夫神聰明正直。接以人事。若以谷爲妖蠱詐妄者、則當投畀裔土。不宜令褻近紫闥。若以谷或是神祇告譴、爲國作眚者、則當克己修禮。以弭其妖。不宜令谷安然自容。肆其邪變也。臣愚以爲陰陽陶蒸、變化萬端、亦是狐狸魍魎、憑陵作慝。願陛下採臣愚懷、特遣谷出。臣以人乏忝荷史任、敢忘直筆、惟義是規。



禁荻䟽

不宜禁荻地禮云名山大澤不封蓋欲以民通財共利不獨專之也

辭尚書表

今當以劣弱之質充督責之官以無用之才管繁劇之任



序

山海經序

世之覽山海經者皆以其閎誕迂誇多奇怪俶  
儻之言莫不疑焉嘗試論之曰莊生有云人之  
所知莫若其所不知吾於山海經見之矣夫以  
宇宙之寥廓羣生之紛紜陰陽之煦蒸萬殊之  
區分精氣渾淆自相瀆薄遊魂靈恠觸象而構  
流形於山川麗狀於木石者惡可勝言乎然則  
總其所以乖鼓之於一響成其所以變混之於



一象世之所謂異。未知其所以異。世之所謂不異。未知其所以不異。何者。物不自異。待我而後異。異果在我。非物異也。故胡人見布而疑縻。越人見罽而駭毳。夫翫所習見。而奇所希聞。此人情之常蔽也。今略舉可以明之者。陽火出於冰水。陰鼠生於炎山。而俗之論者。莫之或恠。及談山海經所載。而咸恠之。是不恠所可恠。而恠所不可恠也。不恠所可恠。則幾於無恠矣。恠所不可恠。則未始有可恠也。夫能然所不可。不可所



不可然則理無不然矣。秦汲郡竹書及穆天子  
傳穆王西征見西王母執璧帛之妖獻錦組之  
屬穆王享王母于瑤池之上賦詩往來辭義可  
觀。遂襲崑崙之邱遊軒轅之宮眺鍾山之嶺玩  
帝者之寶勒石王母之山紀跡玄圃之上乃取  
其嘉木豔草奇鳥怪獸玉石珍瑰之器金膏燭  
銀之寶歸而殖養之於中國穆王駕八駿之乘  
右服盜驪左驂騄耳造父爲御犇戎爲右萬里  
長驚以周歷四荒名山大川靡不登濟東升大



人之堂西燕王母之廬南轅黿鼉之梁北躡積羽之衢窮歡極娛然後旋歸案史記說穆王得盜驪騶耳驊騮之驥使造父御之以西巡守見西王母樂而忘歸亦與竹書同左傳曰穆王欲肆其心使天下皆有車轍馬跡焉竹書所載則是其事也而譙周之徒足爲通識瑰儒而雅不平此驗之史考以著其妄司馬遷叙大宛傳亦云自張騫使大夏之後窮河源惡覩所謂崑崙者乎至禹本紀山海經所有怪物余不敢言也



不亦悲乎。若竹書不潛出於千載。以作徵於今日者。則山海之言。其幾乎廢矣。若乃東方生曉畢方之名。劉子政辨盜械之尸。王頎訪兩面之客。海民獲長臂之衣。精驗潛効。絕代懸符。於戲羣惑者亦可以少寤乎。是故聖皇原化以極變。象物以應恠。鑒無滯。頤曲盡幽情。神焉庾哉。神焉庾哉。蓋此書跨世七代。厯載三千。雖暫顯於漢。而尋亦寢廢。其山川名號所在。多有舛謬。與今不同。師訓莫傳。遂將湮泯。道之所存。俗之所



喪悲夫。余有懼焉。故爲之創傳。疏其壅閼。闢其  
第蕪。領其玄致。標其洞涉。庶幾令逸文不墜于  
世。奇言不絕于今。夏后之迹。靡刊於將來。八荒  
之事。有聞於後裔。不亦可乎。夫蔚蒼之翔。巨以  
論垂天之凌蹄。涪之遊。無以知絳虬之騰鈞。天  
之庭。豈伶人之所躡。無航之津。豈蒼兕之所涉。  
非天下之至通。難與言山海之義矣。嗚呼。達觀  
博物之客。其鑒之哉。

爾雅序



夫爾雅者所以通詁訓之指歸敘詩人之興詠  
總絕代之離詞辨同實而殊號者也誠九流之  
津涉六藝之鈐鍵學覽者之潭奧摘翰者之華  
苑也若乃可以博物不惑多識於鳥獸草木之  
名者莫近於爾雅爾雅者蓋興於中古隆於漢  
氏豹鼠旣辨其業亦顯英儒瞻聞之士洪筆麗  
藻之客靡不欽玩耽味爲之義訓璞不揆樗昧  
少而習焉沈研鑽極二九載矣雖註者十餘然  
猶未詳備並多紛謬有所漏略是以復綴集異



聞會萃舊說考方國之語采謠俗之志錯綜樊  
孫博關羣言剗其瑕礫舉其蕭稂事有隱帶援  
據徵之其所易了闕而不論別爲音圖用祛未  
寤輒復擁篲清道企望塵躅者以將來君子爲  
亦有涉乎此也。

方言序

蓋聞方言之作出乎輶軒之使所以巡遊萬國  
采覽異言車軌之所交人迹之所蹈靡不畢載  
以爲奏籍周秦之季其業隳廢莫有存者暨乎



揚生沉澹其志。歷載構綴。乃就斯文。是以三五之篇著。而獨鑒之功顯。故可不出戶庭而坐照四表。不勞疇咨。而物來能名。考九服之逸言。標六代之絕語。類摘詞之指韻。明垂途而同致。辨章風謠。而區分曲通。萬殊而不雜。真洽見之奇書。不刊之碩記也。余少玩雅訓。旁味方言。復爲之解。觸事廣之。演其未及。摘其謬漏。庶以燕石之瑜。補琬琰之瑕。俾後之瞻涉者。可以廣寤多聞爾。







設難

客傲

客傲郭生曰，玉以兼城爲寶，士以知名爲賢。明月不妄映蘭葩，豈虛鮮今足下？旣以拔文秀於叢蒼，蔭芴根於慶雲，陵扶搖而竦翮，揮清瀾以濯鱗，而響不徹於九臯，價不登乎千金，傲岸榮悴之際，頡頏龍魚之間，進不爲諧，隱退不爲放言，無沈冥之韻，而希風乎嚴先，徒費思於鑽咏，摹洞林乎連山，尚何名乎？夫攀驪龍之髯，撫翠



禽之毛者，而不得絕霞肆，跨天津者，未之前聞也。郭生粲然而笑曰：鷦鷯不可與論雲翼，井蛙難與量海鰲。雖然，將祛子之惑，訊以未悟其可乎？乃者地維中絕，乾光墜采，皇運暫回，廓祚淮海。龍德時乘，羣才雲駭，藹若鄧林之會，逸翰爛若溟海之納。奔濤不煩咨嗟之訪，不假蒲帛之招。羈九有之奇駿，咸總之於一朝。豈惟豐沛之英，南陽之豪？昆吾挺鋒，驕驕軒髦。杞梓競敷，蘭蕙爭翹。嚶聲冠於伐木，援類繁乎拔茅。是以水



無浪士巖無幽人刈蘭不暇爨桂不給安事錯  
薪乎且夫窟泉之潛不思雲暈熙冰之采不美  
旭晞混光曜於埃藹者亦曷願滄浪之深秋陽  
之映乎登降紛於九五淪湧懸乎龍津蚓蛾以  
不才陸槁蟒虵以騰驚暴鱗連城之寶藏於褐  
裏三秀雖豔糜于麗采香惡乎芬賈惡乎在是  
以不塵不冥不驪不駢支離其神蕭悴其形形  
廢則神王迹麓而名生體全者爲犧至獨者不  
孤傲俗者不得以自得默覺者不足以涉無故



不恢心而形遺，不外累而智喪，無巖穴而冥寂，  
無江湖而放浪，玄悟不以應機，洞鑒不以昭曠，  
不物物我，我不是是非非，忘意非我意，得意非  
我懷，寄羣籟乎無象，域萬殊於一歸，不壽殤子  
不夭，彭涓不壯，秋毫，不小，太山，蚊蚋與天地齊  
流，蜉蝣與大椿齒年，然一闔一開，兩儀之迹，一  
冲一溢，懸象之節，渙沍期於寒暑，凋蔚要乎春  
秋，青陽之翠，秀龍豹之委穎，駿狼之長暉，玄陸  
之短景，故臯壤爲悲欣之府，蝴蝶爲物化之器。



矣。夫欣黎黃之音者。不顰螭蛄之吟。豁雲臺之  
觀者。必悶帶索之歡。縱蹈而詠採蘋。擁壁而歎  
抱關。戰機心以外物。不能得意於一弦。悟往復  
於嗟歎。安可與言樂天者乎。若乃莊周偃蹇於  
漆園。老萊婆娑於林窟。嚴平澄漠於塵肆。梅貞  
隱淪乎市卒。梁生吟嘯而矯迹。焦先混沌而槁  
杌。阮公昏酣而賣傲。翟叟遯形以倏忽。吾不幾  
韻於數賢。故寂然玩此員策與智骨。



郭弘農集

卷之一

三



哀策文

晉元帝哀策文

永惟殿宇之廓寂、悲彝奠之莫歆、感鸞輅之晏  
駕、哀衮裘之委衿、痛聖躬之遐往、長淪景於太  
陰、乃作策曰、王之不極、百六作艱、鶚集瓊林、鯨  
躍神淵、懷愍失據、海覆岳顛、蠢蠢六合、罔不倒  
懸、靈慶有底、見龍在田、誰其極哉、我后先天、大  
人承運、重明繼作、撫征淮海、駿命再廓、仁風旁  
靡、神化潛鑠、處冲思挹、居簡行約、聖敬日邁、立



心逾漠、用物與能、總攬羣略、林無滯木、山無遺  
錯、恩靡不懷、化靡不被、茫茫海域、欵塞慕義、萬  
里同塵、罔匪王隸、熙熙遺黎、莫知其寄、括終宇  
宙、混同天地、曰功永年、曰德慶隆、柰何氛厲、奄  
集聖躬、大業未恢、皇齡未中、天惜其景、崑頽其  
崇、煢煢小子、藐藐孤沖、靡天何戴、靡地何憑、恍  
惚極慕、若存若終、蔑焉無聞、廓焉長寂、聆音靡  
睇、瞻顏失覲、窮號曷訴、叩心誰告、何悲之哀、何  
痛之酷、嗚呼我皇、逢天之戚、嗚呼哀哉、眇然升



遐卽安玄室，煌煌火龍赫赫朱鞞，終焉永潛，曷  
其有出，明訓長絕，小子何述，望阜增獻，臨崩慟  
慄，哀兼陟方，痛過追密，靈爽安之，反真復質，永  
合元漠，終始得一。











